



Аудандық коммуналдық мүлiктi иелiктен айыру түрлерiн таңдау бойынша критерийлердi анықтау туралы

Күшiн жойған

Қарағанды облысының Ақтоғай ауданының әкiмдiгiнiң 2016 жылғы 26 шiлдедегi № 33/01 қаулысы. Қарағанды облысының Әдiлет департаментiнде 2016 жылғы 12 тамызда № 3935 болып тiркелдi. Күшi жойылды - Қарағанды облысы Ақтоғай ауданының әкiмдiгiнiң 2025 жылғы 10 ақпандағы № 07/01 қаулысымен

Ескерту. Күшi жойылды - Қарағанды облысы Ақтоғай ауданының әкiмдiгiнiң 10.02.2025 № 07/01 қаулысымен (оның алғашқы ресми жарияланған күнiнен кейiн күнтiзбелiк он күн өткен соң қолданысқа енгiзiледi).

Қазақстан Республикасының 2001 жылғы 23 қаңтардағы "Қазақстан Республикасындағы жергiлiктi мемлекеттiк басқару және өзiн-өзi басқару туралы", 2011 жылғы 1 наурыздағы "Мемлекеттiк мүлiк туралы" Заңдарына, Қазақстан Республикасы Үкiметiнiң 2011 жылғы 9 тамыздағы № 920 "Жекешелендiру объектiлерiн сату қағидасын бекiту туралы" қаулысына сәйкес Ақтоғай ауданының әкiмдiгi **ҚАУЛЫ ЕТЕДІ:**

1. Осы қаулының қосымшасына сәйкес қоса берiлiп отырған аудандық коммуналдық мүлiктi (бұдан әрi - Объект) иелiктен айыру түрлерiн таңдау бойынша критерийлер анықталсын.

2. Осы қаулының орындалуын бақылау аудан әкiмiнiң орынбасары Қ. Қошантаевқа жүктелсiн.

3. Осы қаулы оның алғаш ресми жарияланған күнiнен кейiн күнтiзбелiк он күн өткен соң қолданысқа енгiзiледi.

Ақтоғай ауданының әкiмi

С.М. Әбеуова

Ақтоғай ауданы әкiмдiгiнiң

2016 жылғы 26 шiлдедегi

№ 33/01 қаулысына қосымша

Аудандық коммуналдық мүлiктi иелiктен айыру түрлерiн таңдау бойынша критерийлер

№	Критерийлер атауы	Иелiктен айыру түрлерi
1.	Объектiнi одан әрi бақылауда мемлекеттiң мүдделiгiнiң болмауы (шарттар қойылмайды). Объектiнi барынша жоғары ықтимал бағамен сату және сауда-саттыққа қатысушылардың кең ауқымын тарту қажеттiлiгi.	сауда-саттықты аукцион нысанында өткiзу

2.	Объектіні сату шарттарын (қызмет бейінін сақтау, кредиторлық берешекті өтеу, жалақы бойынша берешекті өтеу және басқа да шарттар) белгілеу қажеттілігі. Объектіні барынша жоғары ықтимал бағамен сату қажеттілігі.	сауда-саттықты коммерциялық тендер нысанында өткізу
3.	Сенім білдірілген басқарушының, жалдаушының (жалға алушының) кейіннен сатып алу құқығымен сенімгерлік басқару, мүліктік жалдау (жалға алу) шарты талаптарын орындау.	тікелей атаулы сатылым
4.	Объектінің қор биржасының талаптарына сәйкестігі. Шетелдік инвесторларды қоса алғанда, сауда-саттыққа қатысушылардың кең ауқымын тарту қажеттілігі.	сауда-саттықты қор биржасында өткізу
5.	Жекешелендіру объектілерін сату алдындағы дайындық пен оларды сату жөнінде консультациялық қызметтерді тарту қажеттілігі. Конкурсты жекешелендіру бағасының басымдығын және (немесе) өзге де шарттарын айқындайтын қаржы кеңесшісінің қатысуымен өткізу қажеттілігі	екі кезеңді рәсімдер арқылы конкурс